



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Petri Chrysologi Archiepiscopi Ravennatis, viri
eruditissimi atque sanctissimi, Sermones In Evangelia De
Dominicis & festis aliquot solemnioribus totius anni,
insignes & peruetusti**

Petrus <Chrysologus>

Lvgdvni, 1623

De eadem, deque secu[n]da Christi manifestatione facta mulieribus, à
monumento regredientibus, Sermo LXXVI.

[urn:nbn:de:hbz:466:1-50232](https://nbn-resolving.org/urn:nbn:de:hbz:466:1-50232)

mortem prædixerat resurrectionem: nam utique qui scire potuit, potuit & cauere, sed quia vincere potuit, declinare contempsit, quia resurgentis gloria sepeliuit morientis iniuriam. De sequentibus fratres, sequenti sermone tractabimus, quia protrahere nos & dilatare sermonem adhuc recens itineris prohibuit lassitudo.

De eadem, de qua secunda Christi manifestatione facta mulieribus, à monumento regredientibus,

Sermo LXXVI.

SVperiori sermone Mariã, & alteram Mariã Ecclesie ex duobus populis venientis figuram diximus habuisse: hoc ex sequentibus hodie cupimus approbare, si modo nobis vester benignus præbeatur auditus. *Respondens, inquit, Angelus dixit: Nolite timere vos, scio enim quia Iesum qui crucifixus est, queritis: non est hic, surrexit enim sicut dixit. Venite, videte locum ubi positus erat dominus.* Angelus prædicat nomen, crucem dicit, loquitur passionem, fatetur mortem, sed resurrectionem mox, mox dominum confiteretur. Et si angelus post tanta supplicia, post sepulchrum agnoscit dominum, suam loquitur seruitutem, & iniuriam passionis totam transisse sentit resurrectionis in gloriam: cui homo aut minoratum Deum in carne iudicat, aut in passione existimat eius defecisse virtutem, aut consumptam dominationem credit seruitute digna? Dicit crucifixum, ostendit locum ubi positus erat dominus, ne alter & non ipse idem resurrexisse crederetur ex mortuis. Et si dominus eadem redit in carne, vulnera reportat, ipsa clavorum foramina resumit, & ipsa facit testimonia sui corporis, suæ resurrectionis indicia, quæ suæ fuerant contumelia passionis: quare homo se in alia putat,

Matt. 28.

putat, aut in sua non putat carne rediturum, aut carnem seruus forte dedignatur suam, cum nostram dominus non mutarit? Acquiesce homo ipsum te futurum esse in carne tua, ne tu ipse non sis, si in carne surrexeris aliena. Adiecit Angelus, dicens: *Et cito euntes dicite discipulis, quia surrexit, & praecedet vos in Galileam: ibi eum videbitis.* Angelus hic non foeminas, sed Ecclesiam duabus in foeminis mittit, vnam mittit, vt eam mittendo sic longe, lateque diffundat: Angelus hic sponsam mittit ad sponsum: denique euntibus illis occurrit dominus, & salutatur eas, dicens: *Auete.* Occurrit & non potestate terret, sed praue nit charitatis ardore: non authoritate turbat, sed salutatur lege sponsi, non dominantis iure onerat, sed honoratur dilectione consortis, salutatur: *Auete.* Dixerat discipulis suis ipse: Neminem saluraueritis in via, & quid est quod hic in vita tam festiuus salutatur? occurrit, non expectat cognosci, intelligi no requirit, non vt interrogetur admittit, sed in salutationem vadit totus, vadit feruens, & suum soluit ipse salutatione mandatum? Fecit, fecit, quia totum vincit, & exuperat vis amoris: simul, quia Christus in Ecclesia se salutatur, qua suam fecit esse, & sic viscera sua suum sic recepit in corpus: dicente Apostolo: Et ipse est caput corporis Ecclesiae. In istis vero foeminis Ecclesiae figuram manere plenam res ipsa ostendit euidenter, quia discipulos suos Christus de resurrectione nutates arguit, trepidantes firmat, ostensione lateris, clauorum cauer nis, sumptione cibi, vis reuocat ad fidem: Vnde & merito in fide paruulos sic pueros appellat, dicendo: Pueri, nunquid habetis pulmentarium? ipsamque alibi Mariam flentem quasi de mortuo, mulierem vocat, atque tangendi se licentiam negat: istas autem sic perfectas inuenit: sic credetes, sic non

Luc. 10.

Colos. 1.

Luc. 24.

Ioan. 21.

Ioan. 20.

de

de sexu trepidantes, sed mysterio currentes, sic dominum toto fidei ardore requirentes, vt habendum se tradat eis salutatione tali, dicens. *Auete.* Angelus dixerat: Scio enim, quia Iesum crucifixum quaeritis: & requirentibus Christus, auete respondit: *alibi autem Mariæ nec tangendi datur facultas: hic non solum tangendi, sed & tenendi copia tota conceditur. Illa autem, inquit, accesserunt, & tenuerunt pedes eius.* Istæ tenent pedes Christi, quæ in Ecclesia typum Euangelicæ prædicationis tenent, & merentur ex cursu: ac sic fide tangunt sui vestigia saluatoris, vt ad totius deitatis pertingant gloriam, perueniant ad honorem, illa autem merito audit: Noli me tangere quæ in terris deflet dominum, & sic in sepulchro quaerit mortuum, vt eum in cœlis nesciat regnare cum patre. Noli me tangere, id est, obsequi tactu carnis, quem fidei tactu deberes attingere: nec quasi hominem tantum tangere tu præsumas in terra, quem Deum nondum sapias in cœlestibus adorare: fœminea cura desinat, muliebris sollicitudo desistat, virilis credulitas tuam conscendat in mentem, ascensum meum cordis tui capiat latitudo, vt in cœlestibus æterna tactus mei beatitudine perfruaris. Iuxta illud prophete: Beatus vir, cuius est abs te domine: ascensus in corde eius disposuit. In terra non tangit Christum, qui fide in cœlo non conscendit ad Christum. Quod ergo eadem Maria nunc in fidei vertice constituta, nunc in Ecclesiæ sublimata fastigio, & tangit Christum, & tenet toto sanctitatis affectu, nunc imbecillitate carnis, & fœminea infirmitate deiecta dubitat, & tactum sui non meretur auctoris, non facit quæstionem: si quidem illud de figura est, hoc de sexu: illud est de diuina gratia, hoc de humana natura, quia nos idem ipsi cum diuina scimus, Dei

munus

Ioan. 20.

Ioan. 20.

sa. 83.

munus est: cum humana sapimus, cæcamur ex nobis. Sic beatus Petrus Christum, dum Dei filium confite-
 tur, patre reuelante, cognoscit: cum negat Christum, *Mat. 16.*
 carnis sentit & patitur cæcitatem. Inter hæc Iudæi
 crimina, aut male emūt sua, aut distrahunt peius alie-
 na, dum peccata taxāt precio, dū pecunia pensant &
 cōpensant delicta: dum in sceleribus suis fundunt,
 quod toto scelere congregauerunt. Sic Iudam com-
 parant traditorem domini sui, & precio redempto-
 ris mundi sanguinem pensant: sic aperti sepulchri fi-
 dem claudunt sacco, ut negandæ resurrectionis cri-
 men nummis criminum mercarentur. *Pecuniam, in-
 quit, copiosam dederunt militibus, dicentes: Dicite, quia
 discipuli eius venerunt nocte, & furati sunt eum, nobis dor-
 mientibus, & si hoc Præses audierit, nos suadebimus ei: &
 securos vos faciemus. At illi accepta pecunia fecerunt sicut
 erant edocti: & diffamarum est verbum istud apud Iu-
 dæos usque in hodiernum diem.* Apud Iudæos, nunquid
 apud Christianos? Iudæe, quod tu in Iudæa obscura-
 bas auro, fide toto claruit & eduxit in mundo: disci-
 puli receperunt, non furati sunt Christum: tu perfidi-
 am comparasti, sed non furatus es veritatem: Iu-
 dæe, resurrexit Christus, tu pecuniam perdidisti. San-
 guis eius super nos, & super filios nostros. Iudæe,
 Christus viuit: u, & te, & tuos posteros occidisti.

De resurrectione Christi, Sermo LXXVII.

Plenum satis & perfectæ deuotionis indicium,
 quod tempore passionis tora creatori suo com-
 patitur creatura. Quæ caro terra tremente non tre-
 muit, quæ mens non torpuit, quod ingenium nõ de-
 fecit eum sol ante tempus occidit, lux refugit? Deni-
 que fratres, & nostra occubere tunc viscera, sensus
 est commortuus, sermo noster suo est consepultus
 auctori,